



堯山堂外紀卷六十四

晉陵蔣仲舒編

宋遼金

東丹王突欲

遼太祖阿保機長子史名倍次曰堯骨後改名德光

後唐天成初遼主滅渤海改為東丹國以其長子

倍為東丹王其後述律后立次子德光東丹王

曰我危哉不如適他國以成秦伯之名遂立石

海上刻詩曰小山壓大山全無力羞見故

堯山堂外紀卷六十四

二

鄉人從此投外國遂越海歸中國唐長興六年

也明宗賜姓名曰李贊華以莊宗妃夏氏妻之

拜懷化軍節度使

東丹王有文才博古今其帆海奔唐載書數千卷

習舉子每通名刺云鄉貢進士黃居難字樂地

以擬白居易字樂天也尤工畫人物鞍馬世傳

東丹王千角鹿圖李伯時嘗臨之董北苑有跋

云



趙延壽

仕後唐為樞密使清泰末陷契丹耶律德光用為丞相綜國事晉少主失

政延壽道德光為亂凡數年之間盜有中夏實延壽贊成之力也

趙延壽將家子幼習武略即戎之暇時復以篇什為意嘗在虜庭賦詩曰黃沙風捲半空拋雲動陰山雪滿郊探水人迴移帳就射鵰箭落著弓杪鳥逢霜果饑還啄馬渡冰河渴自跑占得高原肥草地夜深生火折林梢南人聞者往往傳之

堯山堂外紀卷六十四

三

王徽

高麗國主

高麗國與契丹為鄰每因契丹誅求藉不能堪國王王徽常誦華嚴經祈生中國一夕忽夢至京師備見城邑宮闕之盛覺而慕之乃為詩以記曰惡業因緣近契丹一年朝貢幾多般移身忽到京華地可惜中宵漏滴殘乃遣使朝宋時神宗元豐初也

韓繳如

高麗自太宗後久不入貢至元豐初始遣使來朝  
其後遂相沿不廢大觀間葉夢得爲館伴故事  
使人到闕不過月徽宗欲令觀殿試放牘遂畱  
七十日使者頗脩謹詳雅葉撫之甚厚將行餞  
之占雲館而別其副韓繳如馬上忽使人持一  
大玉帶贈渠云此實故物其家世傳以爲寶今  
以爲獻且于笏上自書一詩相別云泣涕汎瀾  
欲別離此生無復再來期謾將寶玉陳深意莫  
忘思人見物時葉以高麗使故事無解換例力

堯山堂外紀卷六十四

四

辭之

韓正 遼右金吾衛上將軍

燕北風俗不問士庶皆自稱小人宣和間韓正歸  
朝授檢校少保節度使對中人以上說話即稱  
小人中人以下即稱我家每日到漏舍誦天童  
經數十遍其聲朗朗然且云對天童豈可稱我  
自皇天生我皆改爲小人云皇天生小人皇地

載小人日月照小人北斗輔小人前後二十餘  
句允稱我者皆改爲小人誦畢贊笑云這天童  
極靈聖王少師云若無靈聖如何持得許多小  
人

趙良嗣

燕人馬植仕契丹至光祿卿行所而  
內亂不齒於人童買使至盧溝植謁  
見言有滅燕之策貫載與俱歸易  
姓召曰李良嗣薦諸朝賜姓趙氏

趙良嗣與土瓌使女真隨軍攻遼上京城破有詩

曰建國舊碑胡月暗興王故地野風乾回頭笑

堯山堂外記卷六十四

五

向王公子騎馬隨軍上五鑾

上京乃契丹所謂  
西樓實耶律氏之

咸鎬豐沛五鑾乃上京  
殿名保機之故巢也

天祚文妃

契丹自阿保機  
至天祚九世亡

文妃喜文墨嘗作史詩以諷諫云丞相朝來劔佩

鳴千官欄日寂無聲養成寇盜謀將及害盡忠

良諫不行親戚盡連藩屏翰私門潛蓄爪牙兵

可憐二世秦天子猶向宮中望太平文妃被誅

後其子晉王亦以誦金受誅時稱母子俱賢

虞仲文 字質夫。遼日為相。歸金授樞密使。

虞質夫四歲作雪花詩曰瓊英與玉藥。片片落前墀。問着花來處。東君也。不知。時人目為神童。

宇文虛中

字叔通。自號龍溪老人。宋黃門侍郎。以奉使留金仕為翰林學士。卒。

旨密與高士談謀欲因金主亶郊天就劫殺之。先以蠟書告宋俾為外應。秦檜拒不納。事覺與其一。復坐誅。

宇文叔通四時迴文各三絕句。短草鋪茸。綠殘梅

照雪稀。暖輕還錦褥。寒悄怯羅衣。春翠漣水綻

堯山堂外集卷六十四

六

日香徑晚多花。細笋抽蒲密。長條舞柝斜。春折

花幽檻小。傾酒綠杯深。蝶舞輕風曉。鶯啼老樹

陰。三雲窗匿牕竹。青圓貼水荷。睡多嫌晝永。醒

少得風和。夏一草徑迷深綠。蓮池浴膩紅。早蟬鳴

樹。曲鮮鯉躍潭東。夏二暴雨隨雲驟。驚雷隱地平

好風搖蓮透。輕汗挹綃清。夏三晚日掀簾捲涼風

覺袂搖。遠吟高興遣。長醉宿愁銷。秋一短葦低殘

雨。虛舟帶晚潮。斷鴻歸暗浦。疎葉墜寒梢。秋二感

感蒼吟苦。茫茫水驛孤。日銜山色暮。霜帶菊叢

枯。秋三鶻健呼風急。烏啼促景殘。窟深宜兔蟄。蒲

折蔭魚寒。冬一裂瓦寒霜重。鋪窻月影清。滅燈驚

好夢。孤枕念深情。冬二秀栢畱陰綠。芳梅醮影斜。

漚簷冰結玉。裝樹雪飛花。冬三

涇王許餉叔通以酒幾月不至叔通以詩促之曰

先生寂寞草玄文。正要侯巴作富鄰。客至但須

樽有酒。日高不怕甌生塵。急催嶺外傳梅使。來

堯山堂外紀卷六十四

七

餉籬邊採菊人。已掃明窻供點筆。為君擬賦洞

庭春。

吳激字正高自號東山宋宰臣拭之子王履道外孫而米元章壻也將命帥府以知名

禹之仕為翰林待制

吳彥高同兒曹賦蘆花云天接蒼蒼渚江涵裊裊

花。秋聲風似雨。夜色月如沙。澤國幾千里漁村

三兩家翻思杏園路。鞭裊帽簷斜。

吳彥高在燕山赴張總侍御家集張出侍兒佐酒

中有一人意狀摧抑可憐扣其故乃宣和殿小  
宮姬也因賦人月圓詞紀之聞者揮涕其詞曰  
南朝千古傷心事猶唱後庭花舊時王謝堂前  
燕子飛向誰家恍然一夢仙肌勝雪宮髻堆  
鴉江州司馬青衫淚濕同是天涯時宇文叔通  
亦忒念及喬先成而頗近鄙俚及見此作茫然  
自失是後人有求作樂府者叔通即批云吳郎  
近以樂府名天下可往求之

堯山堂外紀卷六十四

八

吳彥高題風流子詞於燕山驛壁間曰書劍憶游  
梁當時事底處不堪傷蘭楫嫩漪向吳南浦杏  
花微雨窺宋東牆鳳城外燕隨青步障絲惹紫  
游韁曲水古今禁烟前後暮雲樓閣春草地塘  
回首斷人腸年芳但如霧鏡髮成霜獨有蟻  
尊陶寫蝶夢悠揚聽出塞琵琶風沙浙瀝寄書  
鴻鴈烟月微茫不似海門潮信能到潯陽

靖康之變

中原為虜地當時高入勝士陷沒者不少紹興  
庚申辛酉河南關陝皆復有自關中韓合壁前

得詩二絕云擊鼓轟轟聲徹天中原盧井半  
然鶯花不管興亡事按點春光似去年只云肩  
平沙淺鴈來接渭漲沙移鴈不歸江  
海一身多少事清風明月淚霑衣

吳彥高在會寧府遇老姬善琵琶自言梨園舊籍

因有感而賦春從天上來詞曰海角飄零嘆漢

苑秦宮隆露飛螢夢回天上金屋銀屏歌吹競

舉青真問當時遺譜有絕藝鼓瑟湘靈促哀彈

似林鶯啞啞山溜泠泠梨園太平樂府醉幾

度春風鬢髮星星舞徹中原塵飛滄海風雪萬

光山堂外紀卷六十四

九

里龍庭寫胡笳幽怨人憔悴不似丹青酒微醒

一軒涼月燈火青螢

王防禦王說此詞  
句句用琵琶故實

吳彥高又有訴衷情詞云夜寒茅屋不成眠殘月

照吟鞭黃花細雨時候催上渡頭船鷗似雪水

如天憶當年到家應是童稚牽衣笑我華顛

蔡松年

字伯堅官至尚書右丞相鎮陽別業  
有蕭閑堂自號蕭閑老人二字珪字

正甫璋字特甫俱第進士號稱文章家正  
甫七歲賦菊詩語意驚人擢第後不赴選  
調求未見書讀之其辯博為天下第一遂  
為金源文宗特甫非其比也恩州桑維宇

之才伯堅之  
壻亦有才名

金源百年間樂府推蔡伯堅與吳彥高號吳蔡體  
其大江東去乃樂府中最得意者離騷痛飲問  
人生佳處能消何物江左諸人成底事空想岩  
岩青壁五畝蒼煙一丘寒玉歲晚憂風雪西州  
扶病至今悲感前傑我夢卜築蕭閑覺來岩  
桂十里幽香發魂磊胃中冰與炭一酌春風都  
滅勝日神交悠然得意離恨無毫髮古今同致  
堯山堂外紀卷六十四

十

永和徒記年月

伯堅在涼陁作聲聲慢寄內云青蕪平野小雨千  
峯還成暮陁寒色裁剪芸窻憶得伴人良夕遙  
憐幾重眉黛恨相逢少於行役梨花淚正宮衣  
春瘦曉紅無力應恠浮雲夫壻不解趁新醅  
醉眠涼月怨入關河西去又傳音息誰知倦遊  
心事向來年苦思泉石人未老約問峯多占秀

碧

蔡伯堅又有鷓鴣天二闕云解語宮花出畫簷  
尊風味爲花甜誰憐夢好春如水可奈香餘月  
入簾春漫漫酒厭厭曲終新恨到眉尖此生  
願化雙瓊柱得近春風煖玉纖秀樾橫塘十  
里香水花晚色靜年芳胭脂雪瘦薰沉水翡翠  
盤高走夜光山黛遠月波長暮雲秋影蘸瀟  
湘醉魂應逐凌波夢分付西風此夜涼

蔡正甫畫眉曲云樓外春山幾點螺樓頭望處染

堯山堂外紀卷六十四

十一

雙蛾不知深淺隨宜否却倩菱花問眼波纖葉  
斜橫蜀柳條拂成風思自妖嬈元和才子才猶  
拙只蓄春風詠舞腰

并門自古無竹李文饒嘗一植之歷宋數百年寺  
僧日爲平安報其難可知矣大定間蔡正甫由  
禮部郎出守濰州乃于官舍東堂種碧蘆以寄  
意因作長短句曰青君那肯顧寒鄉試着葭蘆  
擬汶篁有若何堪比夫子虎賁猶想見中郎色

添新雨。簾櫳好聲入。微風枕簟涼。他日東堂慙  
政拙。只將此物當甘棠。

王溫季自北都歸過正甫於三河坐中賦江城子  
曰鵲聲迎客到庭除。問誰歎。故人車。千里歸來

塵色半。征裾。環重主人畱。客意如白飯。馬青葛  
東城八眼杏。千枝雪模糊。俯平湖。與子花間

隨分倒金壺。歸報東垣詩社友。曾念我。醉狂無

金初文士如宇文叔通蔡伯堅吳彥高等不可  
不謂豪傑之士然皆宋儒難以金源文派論之

堯山堂外紀卷六十四

十二

故斷自正甫為宗堯竹谿次之趙開開又  
次之自蕭真卿倡此論一時無異議云

桑之才白髮詩曰白髮近年見十中三兩莖半因

愁。攢出多為病。添成。梳裏有時落。鑷餘還又生。

老知無可避。何處是功名。

高士談

字子文一字季默宋韓武昭王瓊之  
後宣和末任忻州尹曹仕金為翰林

直學士皇統初預字文大  
學之禍子公振字持夫

高子文棟棠詩云開庭分植占年芳。裊裊青枝淡

淡香。流落孤臣那忍看。十分深似御袍黃。楊花

詩云來時官柳萬絲黃。去日飛毬滿路傍。我比  
楊花更飄蕩。楊花只是一春忙。

蔡伯堅有詠茶好事近詞云天上賜金奩不減壑  
源三月午。午益春風。纖手看一時如雪。幽人只慣  
茂林前。松風聽清絕。無奈十年黃卷。向枯腸搜  
徹。高子文和云。誰打玉川門。白絹斜封。團月晴  
日小。牕活火響。一壺春雪。可憐桑苧。一生顛文  
字。更清絕。直擬駕風歸去。把三山登徹。

堯山堂外紀卷六十四

十三

高特夫詩有家學題裴氏西園云。簿領泥迷倦不  
禁。偶從名勝此幽尋。竹陰疎處見潭影。人語定  
時聞。鳥音陳跡謾畱千古恨。歡遊聊慰十年心。  
多情一片梁園月。送我垂鞭出上林。

馬定國

字子卿。在平  
人號薺堂。

馬薺堂少日志趣不凡。宣政末題詩酒家壁云。山  
杏山桃取次開。紅紅白白上樓臺。移將海底珊瑚  
樹。乞與人家也不栽。用是得罪亦用是得名。

劉豫既受金冊立為齊帝遂僭建元阜昌時薺堂

游歷下亭以詩撼之云男子當為四海遊又携

書劒客東州煙橫北渚芰荷晚木落南山鴻雁

秋富國桑麻連魯甸用兵形勢接營丘傷哉不

見桓公業千古遶城空水流豫召與語大悅授

監察御史崇寧間望氣者上言景州阜城縣有

之幸者頗言之有詔斷支隴以泄其所鍾居一

年猶云氣故在特稍晦將為偏閭之象而不克

有終至靖康偽楚張邦昌之立踰月而釋位逆

豫既僭遂改元阜昌且祈于金匱調了繕治其

堯山堂外紀卷六十四

故嘗夷鎚者力役彌年民不堪命亦不

免於廢二僭皆阜成人卒如所占云

朱之才

字師美洛西人采崇寧

間登科入齊為諫官

朱師美題周昉所畫欠申美人圖云巫峽昭君有  
奇色毛生欲盡無由得但作東風背面身看來  
已可傾人國朝來睡起鬢髮垂手如春笋領蠟  
蟬繡帷幽夢斷難續想像翠黛顰修眉春光三  
月濃於酒燕燕雙飛鶯喚友不教膩臉露桃花  
且喜腰肢似楊柳君不見漢宮多病李夫人轉

面不顧君。王嗔古來畫。工畫意亦自足。煙霧玉質何由真。

翟欽甫

金初人

有衆飲清菴中。翟欽甫偶至。衆不識其能。詩俾賦。清菴欽甫故拙。起句云爲問清菴何以清。衆拍手大笑。及賦第二句。霜天明月照蓬瀛。衆失色。連賦廣寒宮裏琴三弄。白玉樓頭笛一聲。金井玉壺秋水冷。石田茅屋暮雲平。夜來一枕遊仙夢。十二瑩臺獨自行。衆愧謝延之上座。

光山堂外紀卷六十四

一五

堯山堂外紀卷六十五

晉陵蔣仲舒編

宋金

廢主亮

嘗自製尖韉頭極長銳云便於輦而足指所不及謂之不頭又為短鞭僅

存其半謂之沒下稍其後淪盟犯順果為其下所戕死于江上大定初降封海陵

海陵初封岐王為平章政事頗知書好為詩詞語

出輒崛彊恻恻有不為人下之意嘗以事出使

道驛有竹輒詠之曰孤驛瀟瀟竹一叢不同凡

堯山堂外紀卷六十五

乙

卉媚春風我心正與君相似只待雲稍拂碧空

又書壁述懷云蛟龍潛匿隱滄波且與蝦蟆作

混和等待一朝頭角就撼搖霹靂震山河既而

過汝陰復作詩曰門掩黃昏染綠苔那回蹤跡

半塵埃空亭日暮烏爭噪幽徑草深人未來數

仞假山當戶牖一池春水遠樓臺繁花不識興

亡地猶倚欄杆次第開又一日至卧內見其妻

几間有巖桂植瓶中索筆賦曰綠葉枝頭金縷

裝秋深自有別般香。一朝揚汝名天下也。學君  
王著赭黃。

海陵既篡位。一日閱柳耆卿望海潮詞。欣然有慕  
於三秋桂子十里荷花。遂起投鞭渡江之志。乃  
密隱畫工於奉使中。寫臨安湖山以歸。既進繪  
事大喜。亟命撤坐間軟屏。更設所獻而於吳山  
絕頂貌已之狀策馬而立。題其上曰萬里車書  
盡混同。江南豈有別疆封。提兵百萬西湖上。立

堯山堂外紀卷六十五

馬吳山第一峰

淳熙間謝處厚有詩云誰把杭  
州曲子謳荷花十里桂三秋那

知卉木無情物牽動長江萬里秋。羅景綸謂耆  
卿詞雖牽動長江之愁。然卒為金主送死之媒。  
未足悵也。至於荷艷桂香。粧點湖山清麗。使士  
夫流連歌舞。遂忘中原。是則深可恨耳。因和其  
詩云。殺胡快劍是清謳。牛渚依然一片秋。  
却恨荷花留玉輦。竟忘烟柳汴宮愁。

海陵南侵之議。既決。太后徒單氏數以言諫。海陵  
不悅。遂弑之。是歲中秋待月不至。賦鵲橋僊曰  
停盃不舉。停歌不發。等候銀蟾出海。不知何處  
片雲來。做許大通天陣礙。虬髯斷星眸睜

裂惟恨。劍鋒不快。一揮截斷紫雲腰。子細看嬌娥體態。

海陵大舉南侵。使御前都統驃騎衛大將軍韓夷耶將射鵬軍二萬三千圍子細軍一萬先下兩淮。臨發。賜所製喜遷鶯以為寵。曰：旌麾初舉。正駃騠力健。嘶風江渚。射虎將軍。落鵬都尉。繡帽錦袍。翹楚怒磔。戟鬣爭奮。捲地一聲。鞞鼓笑談。頃指長江。齊楚六師飛渡。此去無自墮金印。

堯山堂外紀卷六十五

三

如斗獨在功名。取斷鎖機謀。垂鞭方略。人事本無。今古試展卧龍韜韞。果見成功。且莫問江左想雲霓望。切玄黃迎路。

海陵至瓜洲。詔諸將約以三日濟江。否則盡殺之。軍士危懼。比又聞曹公烏祿卽位於遼陽。遂共謀殺之初亮。入寇有人以焦貢易林筮遇解之大壯。其辭曰：驕胡火形造惡。作凶無所能成。遂自滅身。其親切應驗如此。

劉瞻字崇老自號柳堂居士  
天德三年南陽登科

劉崇老作詩工於野逸春郊詩云桑芽粒粒破春  
青小葉迎春未展成寒食歸寧紅袖女外家紙  
上看蚕生又賦所見云傾歌石片插漣漪上有  
蕭蕭楊柳枝藻苻半浮苔半濕浣紗人去不多  
時。

王寂字元老薊州人  
天德三年進士

王元老題易足齋云吾愛吾廬事事幽此生隨分  
堯山堂外紀卷六十五

得優游窮冬夜話蒲團暖長夏朝眠竹簟秋一  
榻蠹書閑處看西孟薄粥飽時休紅旗黃紙非  
吾事未羨元龍百尺樓

王元老先人有鷄山詩云記得垂齧此地遊鷄山  
孤立水平流而今重過山前路山色青青人白  
頭。

趙可字獻之貞元二年進士  
自號玉峯散人

趙獻之風流有文采其鷄鵠天詞云金絡閑穿御

路揚青旗遙認醉中鄉。可人自有迎門笑。下馬  
何妨索酒嘗。春正好日初長。一尊容我駐風  
光。歸來想像行雲處。薄雨霏霏洒面涼。又十  
頃平波溢岸青。草香沙煖水雲晴。輕衫短帽垂  
楊裏。楚酒相看別有情。揮彩筆。倒銀瓶。花枝  
照眼句還成。老來漸減金釵興。回施春光與後  
生。

鄭景純

子聃

少有賦聲其咏醪醑有玉斧無人解

堯山堂外紀卷六十五

五

修月珠裙有意欲留仙之句甚為詩家所稱天  
德三年景純第三人登科士論仍以為屈而海  
陵不之許也。正隆二年詔景純再試擇能賦者  
八人先以題付之以困景純及開卷景純第一  
海陵終不以為工與被黜者兩罷之趙獻之賀  
啓云丹桂一枝不失舊物青錢萬選無媿古人

孟宗獻

字友之開封人  
大定三年  
鄉府省御四試皆第一

孟友之雪燭詩固知劫火終無盡誰謂清冰也自

焚未幾丁母憂哀毀致卒前數夕有星隕於所  
居虛靜軒高特夫挽云誰謂詩成識清冰果自  
焚人嗟埋玉樹天為落文星孔嗣訓挽云二十  
年間事才名一夢新衰羸驚喪母哀毀竟亡身  
魂返愁楓夜情留淚草春黃公酒壚在此去只  
悲辛

景覃

字伯仁華陰人自號涇濱野叟大定初  
三赴簾試後以病不就舉與白水段子

新友善段名繼昌  
自號適安居士

堯山堂外紀卷六十五

六

景伯仁鳳栖梧詞曰倦客情悰紛似縷小院無人  
卧聽秋蟲語歸意已攬新鴈去晚涼更作瀟瀟  
雨

段子新家甚貧而世間事皆不以挂口有以錢遺  
之者必盡送酒家名酒曰黃嬌蓋關中人謂兒  
女曰阿嬌子新以酒比之故云一日天苦寒人  
有遺之酒者飲不盡而醉夜半忽驚起以衣衾  
覆酒缸僵卧榻上人為言酒自不冰先生將不

為寒所病乎子新笑曰人病酒可醫酒病不可  
療也其好飲如此臨終辭鄉里託以他適明日  
卧于党氏園亭大石上視之已逝矣景伯仁吊  
之云適安居士舊知聞廓達靈根厭世紛辭罷  
親朋便歸去一籌今日又輸君

段子新嘗讀紀信傳有感賦詩曰鹿走中原兩虎  
爭。榮陽圍解事堪驚。當時拔劍論功者。失口何  
人說紀生。

堯山堂外紀卷六十五

七

党懷英

字世傑號竹谿宋太尉進十一代孫  
與濟南辛幼安同師蔡伯堅筮仕決

以著辛得離決意南  
歸党得坎遂留事金

党竹谿應制賦粉紅雙頭牡丹曰春意應嫌芍藥  
遲。一枝分秀伴雙蕤。並肩翠袖初酣酒。對鏡紅  
粧欲。聞音曉日倚闌同。妬艷東風拾翠兩。駢眉  
更看散作人間瑞。萬里黃雲麥兩岐。

宋真宗朝石曼卿通守昫山遣人以泥封桃李核  
彈之崑石中其後花開滿山又嘗携妓飲山之

石室間鳴絃為冰車鐵馬聲。党竹谿過响山為  
詩弔曼卿曰城頭山色翠玲瓏。尚憶清狂四飲  
翁。鐵馬冰車斷遺響。桃花石室自春風。生平詩  
價千鈞重。身後仙遊一夢空。相見蓬萊水清淺  
芙蓉城闕五雲中。

党竹谿咏茶青玉案詞曰紅莎綠弱春風餅。趁梅  
驛來雲嶺。紫柱崖空瓊竇冷。佳人却恨。等閑分  
破縹緲。雙鸞影。一甌月露心魂醒。更送清歌

堯山堂外紀卷六十五

助清興。痛飲休辭。今夕永。與君洗盡滿襟煩暑。  
別作高寒境。

党竹谿感皇恩詞賦疊羅花曰碧玉撚條藍袍裁  
葉。明艷黃深軟。金疊道裝仙子謫。墮蕊珠僊闕。  
為春閑管領花時節。漢額粧穠。楚腰舞怯。襞  
積裙餘。舊宮褶。東君着意留伴。小庭風月。任教  
鷓鴣喚群芳歌。

王庭筠  
字子端。讀書黃華山寺。因號黃華山。  
主工詩能文。書學宋元。章七善山水。

王子端初歷州縣用薦者供奉翰林承安中為言  
事者所累獄中見燕賦詩曰笑我迂踈觸禍機  
嗟君底事入圜扉落花吹濕東風雨何處茅簷  
不可飛。

王子端平生愛天平黃華山水其題黃華山一首  
頗有太白聲調詩曰掛鏡臺西掛玉龍半山飛  
雪舞天風寒雲直上三千尺人道高歛避暑宮

堯山堂外紀卷六十五

九

黃華采蓮曲云南北湖亭競采蓮吳娃嬌小得人  
憐臨行折得新荷葉却障斜陽入畫船

黃華書西齋壁云世事雲千變浮生夢一場偶然  
攜拄杖來此據胡床有雨夜更靜無風花自香  
出門多道路何處覓亡羊

黃華賦玉簪謁金門詞曰秋蕭索燈火新涼簾幕  
翠被不禁臨曉薄南樓聞畫角想見玉壺水  
夢一夜西風開却夢覺烏啼殘月落幽香無處

著

王明伯黃華猶子也。幼歲學書，書家卽稱賞之。性  
倜儻，膂力絕人。嘗有詩曰：鈞鰲公子鐵心胸，興  
在三山碧海東。千尺雲帆已高揭，不知何日得  
秋風。死于鄧州，年未四十。

遼陽張仲澤

汝霖

春溪詩云：黯黯春愁底處消。小

桃無語半含嬌。東風不管前溪水，暖綠溶溶拍

畫橋。高仲常

憲

元夕無燈詩云：九陌無燈夜悄

堯山堂外紀卷六十五

十

然。小紅時見點春烟，多情惟有梅稍月。拍酒樓

頭照管絃。仲常黃華之甥，黃華又仲澤之甥。其

淵源有自云。

高仲常自言於世味澹，無所好，唯生死文字間而

已有梅花引二首，其詞曰：蒿火目，藜羹腹。書生

寧有封侯骨。長須奴，下澤車。艱閑險阻，誰教涉

畏途。半生落莫長安道，一事無成雙鬢老。南轅

胡北，轅吳功。名富貴，情知不可圖。槐堂夢鼓

笛美馳驟百年塵一闕陶淵明張季鷹一盃濁  
酒焉知身後名。有溪可漁林可繳須信在家貧  
也樂。熊門春。淇江雲。幾時作箇山間林下人。

蕭貢

字真卿咸陽人大  
定十九年進士

蕭真卿博學能文不減蔡正甫嘗擬迴文四章曰  
春波綠處歸鴻過。夜月明時飛鵲愁。人去附書  
將恨寄。暮山雲斷倚高樓。樓上却來樓下待。

晚窻春盡斷回腸。愁人有說嫌人問。淚酒新詩

堯山堂外紀卷六十五

十一

掃墨香。風慢半縈香篆細。碧窻斜影月籠紗。

紅燈夜對愁魂夢。老盡春庭滿樹花。萋萋碧

草連天遠。杳杳行人幾日迴。淒雨晚涼空坐久。

淚粧殘暈濕紅腮。

火山瑩禪師隩州白氏岐山令君舉樞判文舉弟  
也。棄家為佛子自幼有詩名河東嘗有詩云十  
日柴門九不開。松庭雨後滿蒼苔。草屨挂起跣  
跌坐。消得文殊更一來。歸寂後客有持其集示

真卿者真卿題云長短都歸一夢中身前身後

尚無窮李愷信士今如在定向江湖訪澤公

劉昂

字之昂興州人大定十九年進士泰和  
間又有劉昂字濟霄者以先有劉昂號

小劉  
之昂

劉之昂醉後詩曰神僧勸讀傳燈錄道士教行進

火功今日興來俱破戒黃花籬落醉西風歌風

臺詩曰劉頂興亡轉燭過亂蟬吟破漢山河長

陵卧老咸陽月沛上猶傳擊筑歌山中雨詩曰

堯山堂外紀卷六十五

十二

嵩高山下逢秋雨破傘遮頭水沒腰此景此時

誰會得清如窓下聽芭蕉

祝枝山誦此詩嘗西  
其上下淋漓清在何

慶時海鹽沈生因誦離騷經而得二句曰叢蘭  
芳芷滿東臯閒步春風讀楚騷然下韻不接因

久思誤墜厓下人方驚扶乃曰好也好也逐歌  
曰忽憶靈均發憂憤墜崖幾拆沈即腰因思古

今未嘗無對傾跌傷體  
寧無痛楚尚曰好耶

張秦娥者頗能小詩其賦遠山云秋水一抹碧殘

霞幾縷紅水窮霞盡處隱隱兩三峯其後流落

劉之昂贈詩云遠山句好畫難成柳眼才多總

是情今日衰頽人不識倚爐空聽煮茶聲又云  
二頃山田半欲蕪子孫零落一身孤寒窻昨夜  
蕭蕭雨紅日花稍入夢無秦娥為之泣下

宋開禧間韓侂胄欲立蓋世功名以自固乃定議  
伐金元帥紇石烈子仁領兵駐濠梁時小劉  
之昂作樂章一闕大書於濠之倅廳壁間名上  
平南其詞云蠆鋒搖螳臂振舊盟寒恃洞庭彭  
蠡任瀾天兵小試百蹄一飲楚江乾捷書飛上

堯山堂外紀卷六十五

十三

九重天春滿長安舜山川周禮樂唐日月漢  
衣冠洗五州妖氣閉山已平全蜀風行何用一  
泥丸有人傳喜日邊都護先還

趙秉文

字周臣號閑閑德陵嘗賜公所服丹  
朝紅滿面公先壬辰之變以禮部尚

書學士丞肯卒於  
第人以為天幸

閑閑公為上清宮道士寫經并以所養鵝群付之  
楊雲翼紀以詩曰會稽筆法老無塵今代閑閑  
是後身只有愛鶯綠已盡舉群還付向來人

泰和初開開公知平定擬搦仙人王雲鶴往謂之  
贈詩云寄語閑閑傲浪仙枉將詩酒污天全黃  
塵遮斷來時路不到蓬山五百年因言唐世大  
夫五百人皆仙人謫降中有為世味所著迷而  
不及者如公與我皆是也他日玉龜山人謂公  
云子前身赤城子也公因以詩記之云玉龜山  
下古仙真許我天台一化身擬折玉蓮騎白鶴  
他年滄海看揚塵又趙禮部庭玉說丹陽子謂

堯

堂外紀卷六十五

十四

公再世蘇子美也公聞之曰赤城子則吾豈敢  
若子美則庶幾焉因作水調歌頭以寄意云四  
明有狂客呼我謫仙人俗緣于劫不盡回首落  
紅塵我欲騎鯨歸去只恐神仙官府嫌我醉時  
嗔笑拍群仙手幾度夢中身倚長松聊拂石  
坐看雲忽然黑霓落手醉舞紫毫春寄語滄浪  
流水曾識閑閑居士好為濯冠巾却返天台去

華髮散麒麟

閑閑公青杏兒詞曰風雨替花愁風雨罷花也應  
休勸君莫惜花前醉今年花謝明年花謝白了  
人頭乘興兩三甌揀溪山好處追遊但教有  
酒身無事有花也好無花也好選甚春秋

王中立

字湯臣號擬栩  
晚年易名雲鶴

王擬栩少日治易有聲場屋間累舉不第賦詩曰  
學劔攻書謾自竒回頭三十六年非春風萬里  
衡門下依舊并州一布衣

堯山堂外紀卷六十五

十五

王擬栩家豪於財賓客日滿門待之備極豐腆其  
自奉則日食淡湯餅一杯而已年二十四喪妻  
遂不更娶亦不就舉選齋居一室枯淡如衲僧  
如是三四年乃出時人覺其談吐高濶詩筆字  
畫皆超絕若有物附之者問之不言也一日來  
都下館閑閑公家中秋夜飲酒賦詩且就公索  
墨水一槃公如言與之明旦不造而去壁間留  
龜鶴二字廣長一丈而墨水具在不知以何物

書之朝士來觀者車馬填咽都下競傳王先生  
仙去矣久之先生從外至問二字以何物書不  
答題詩其旁云天地之間一古儒醒來不記醉  
中書旁入錯比神仙字只恐神仙字不如

擬柳平生詩甚多有醉袖舞嫌天地窄詩情狂壓  
海山平之句他亦補此雜詩云華山宮殿白雪  
封不見當年打睡翁貪看終南山色好不知紅  
日下前峯 獨跨蒼虬下太清春風萬里月華

堯山堂外紀卷六一五

十六

明因君感激為君說鑿破天機我也驚 雲葉

紛紛皴碧空笙簫遞響入天風忽驚風浪耳邊  
急不覺形神來世中 此生休更問浮名名利

區區不整停我有一丸天上藥用時還解濟蒼

生

晉陵蔣仲舒編

宋金

章宗璟

喜文學善書畫宋徽宗嘗以蘇合油搜煙為墨章宗僅購得一兩價黃金

一勛欲放為之不能

章宗建梳粧臺於都城東北隅與李妃登馬得句

云二人土上坐妃即對曰一月日邊明時皆以

警妙誇之

今京師禁中瓊花烏梳粧臺皆金故物也臺今訛為蕭太后梳粧樓

堯山堂外紀卷六十六

雲龍川泰和殿五月開牡丹章宗賦詩曰洛陽穀

雨紅千葉嶺外朱明玉一枝地力發生雖有異

天公造物本無私

燕京西七十里有仰山峯巒拱秀中有平頂如蓮

花心旁有五峯曰獨秀翠微紫蓋妙高紫微下

多禪刹章宗游幸有詩刻石金色界中兜率景

碧蓮花裏梵王宮鶴驚清露三更月虎躡疎林

萬壑風

章宗題扇蝶戀花詞曰幾股湘江龍骨瘦巧樣翻

騰疊作湘波皺金縷小鈿花草闌翠條更結同心扣  
金殿珠簾開永晝一握清風暫喜懷中透忽聽傳宣須急奏輕輕褪入香羅袖

明昌初有劈橙爲軟金盃者章宗賦生查子詞曰  
風流紫府卽飲痛烏紗岸柔軟九回腸冷怯玻璃盃  
纖纖白玉葱分破黃金彈借取洞庭春飛上桃花面

堯山堂外紀卷六十六

二

馬嵬坡太真墓題咏甚多惟武功杜真卿一詩極  
爲婉麗揚柳依依水拍堤春晴茅屋燕爭泥海棠  
正好東風惡狼籍殘紅襯馬蹄遂城高德卿  
亦有詩曰事去君王不奈何荒墳三尺馬嵬坡  
歸來枉爲香囊泣不道生靈淚更多道陵詔錄  
馬嵬詩得五百餘首付詞臣第之真卿詩在高

等

杜名佳阜昌中登科  
高名有鄰大定進士

趙胤字文孺時人以其書

道陵中秋賞月瑤光樓召趙黃山對御賦詩以清  
字爲韻黃山賦曰秋氣平分月正明。蒞珠宮闕  
對蓬瀛。已驅急雨消殘暑。不遣微雲點太清。簾  
外輕風飄桂子。夜深涼露滴金莖。聖朝不奏霓  
裳曲。四海歌謳卽樂聲。道陵讀至落句大加賞  
異手酌金鍾以賜且呼其字曰文孺以此鍾賜  
汝作酒直士林榮之

僊和尚坐脫趙黃山題云識得從來覺性圓。西歸  
堯山堂外紀卷六十六

三

隻履更翛然。永嘉穩步曹溪路。臨濟飽參黃柏  
禪。桶底脫時無一物。機輪轉處有三玄。火中留  
得一莖草。依舊光明爍大千。

周昂

字德卿。閑閑公嘗集堯承旨趙黃山路  
司諫劉之昂尹無忌王逸賓與德卿七

人詩刻木以傳目  
爲明昌詞人雅製

虞鄉麻氏構小齋榜曰醉經周昂爲題絕句云詩  
書讀破自融神。不羨雲安麴米春。黃卷至今真

味在。莫將糟粕待前人。

完顏承貞金宗室也時稱賢宰相自號冷岩周昂  
爲賦冷巖行曰或爲孟或爲鐘人心自異山本  
同天清雲遠望不極小孤宛在江流中澗之毛  
可篔簹山之木可斤斧唯有白雪高崔嵬風吹  
不消自太古峴山何奇羊子所攀東山何秀謝  
公往還今爾胡爲籍甚乎人間于差乎冷山

田琢

字器之雲朔人  
明昌五年進士

明昌丙辰田器之從軍塞外合虜里山野舍不勝  
堯山堂外紀卷六十六

四

荒涼春末有雙燕亦巢此屋土人不識屢欲捕  
之田曲爲全護其燕晝出夜歸田必開戶待之  
忽一日飛止坐隅都無驚畏巧語移時不去田  
意謂明日秋社此鳥當歸殆留別語也因作一  
詩贈之云幾年塞外歷崎危誰謂烏衣亦此飛  
朝向蘆陂知有爲暮投茅舍重相依君怜我處  
頻迎語我憶君時不掩扉明日西風悲鼓角君  
應先去我何歸此詩以細字寫之爲蠟丸繫於

燕足上明年四月田受代歸又八年泰和甲子  
任潞州觀察判官四月十二日偶坐廨舍之舍  
翠堂忽雙燕至一飛簷戶間一上硯屏田諦視  
之繫足蠟丸故在乃知此鳥蓋往年贈詩者也  
因請同年龐才卿鑄畫爲圖求諸公賦詩才卿  
爲長歌曰田君才畧燕雲客少年累有安邊策  
悔從筆硯取功名直要橫馳沙漠北塞垣春雪  
白皚皚東風未放玄陰開烏衣之國定何許一

雙燕子能飛來三年驛舍安西道眼底鶯花無  
夢到忽見低飛入短簷此身似向邯鄲覺君居  
海東我中原相逢乃在穹廬前天涯流落俱爲  
客感時念遠空潛然長安何限高高閣晝夜風  
閑開翠幕底事猜嫌不往依其從此地風沙惡  
土人嗜肉無仁心一生弋獵誇從禽有巢幸穩  
勿浪出汝身未必輕千金朝來暮去益昵狎物

我相忘情意一旦怪重裘積薪忝元是西風催

社日須知音巧惟鷓鴣勿來坐偶如告辭我方  
留寓未歸得爲君忍賦傷心詩詩成自述聊爲  
戲繫足封之亦無意燕已歸飛我未歸乃斗聲  
中忽驚歲旄頭夜落妖氛收嫖姚獻凱歸神州  
玉闕早喜班超入北海不聞蘇武留君才經世  
寧終枉幕府須賢來上黨別後歸期兩及瓜人  
間秋燕十來往沉沉官舍紅芳稀葛衣燕居澹  
忘機忽聞巧語入簷戶大似相識來相依一飛

堯山堂外紀卷六十六

六

簷外窺庭樹一上屏山驚不去解足分明得帛  
書真是當年留別句天生萬物禽最微固耶偶  
耶吾不知古道益遠交情醜朝恩暮怨雲遷移  
當時握手悲別離一旦富貴棄如遺聞予燕歌  
應自疑慎無示之嗔我譏揚之美雲翼詩云危  
巢客舍久相依常記西風社日歸海國傳心千  
驛隔塞垣回首十年非新詩尚在人空老舊夢  
無憑鳥自飛寄語齊諧休志怪沙鷗相款解忘

機李欽叔獻能詩云塞上風光已十霜仁心履  
護獨難忘當時相送詩仍在此日重來話更長  
客舍花開新信息雲兜香冷舊昏黃主人得報  
君知否千古珠璣在錦囊

孫鐸

字振之恩州人太  
定十三年進士

明昌中孫振之擢戶部尚書時已有相望及考滿  
以戶曹繁重未有可代者特旨進一官再任而

同列二人俱入相矣振之賀席中戲舉青州老

堯山堂外紀卷六十六

七

柏院布衣張在詩云南鄰北里牡丹開公子王  
孫去不回惟有庭前老柏樹春風來似不曾來  
爲御史所劾降授同知河南府事有以詩送之  
者云想到洛陽春正好南鄰北里牡丹開聞者  
皆大笑

李純甫

字之純承安中進士性嗜酒未嘗一  
日不飲亦未嘗一飲不醉眼花耳熱

後人有發其談端者  
傾河瀉江無有窮竭

李屏山中歲徧觀佛書能悉其精微嘗賦其雜詩

云顛倒三生夢。飛沉萬劫心。乾坤頭至踵。混沌  
古猶今。黑白無真色。宮商豈至音。維摩懶開口。  
枝上一蟬吟。乾坤大聚落。今古小朝昏。諸子  
蠅鑽帟。羣雄虱處禪。一心還入道。萬物自歸根。  
却笑幽憂客。空招楚些魂。丹鳳翔金鼎。蒼龍  
戲玉池。心源澄似水。鼻息細於絲。枕上山川好。  
壺中日月遲。神仙學道者。那許小兒知。空譯  
流沙語。難參少室禪。泥牛耕海底。玉犬吠雲邊。

堯山堂外紀卷六十六

八

仰嶠圓茶夢。曹山放酒顛。書生眼如月。休被衲  
僧穿。狡兔留三窟。獼猴戲六窓。情田鋤宿草。  
心月映澄江。酒戒何曾破。詩魔先已降。雄蜂雌  
蛺蝶。正自不成雙。

屏山學佛自史舜元發之張伯玉高獻臣二人並  
不平禪解張有登樓詩云昨日上高樓西山翡翠  
堆今日上高樓西山如灰想見屏山老瘵  
飢西山隈食却西山色高樓空崔嵬高有壺溪

詩云我觀壺盧溪未易以蠶測大若溪上翁有  
口吸不得壺中別是一洞天溪上翁卽壺中仙  
畢竟人間無着處杖頭挑取屏山去屏山乃作  
爲蟬解朝詩曰老蟻破衲染塵緇轉丸如轉造  
物兒道在矢溺傳有之定中幻出蟬娟姿金仙  
未解羽人尸吸風飲露巢一枝倚杖而吟如惠  
施字字皆以心爲師千偈瀾翻無了時關韃不  
落詩人詩屏山叅透此一機髯弟皤兄何見疑

堯山堂外紀卷六十六

九

此理入玄人得知髯弟怨我食却西山秀皤兄  
勸我吸却壺盧溪因蟬倩我問渠伊快掉葛藤  
復是誰髯弟絕倒皤兄嘻

屏山題真味堂曰問渠真味若爲言不着鹽梅也  
自全麤鼎大夫徒染指麴車公子漫流涎胷中  
已有五千卷徽外更聽三兩絃此老清饒何所  
嗜宦名嚼蠟已多年

許古 字道真 承安中進士



王子文居盧氏山二十年布衣蔬食井臼自親時  
人哀苦之而子文處之自若有詩云撒手寧論  
萬丈崖脚跟未肯點塵埃東君也自魔君數故  
着青紅眼底來來何遲去何早二五不多十不  
少一聲柄木徧虛空誰識堂堂真照了。

王子文既學佛作決定歌禪家以為證道新豐之  
後無有及者贈安居士國寶云不招措大嗔不  
堯山堂外紀卷六十六 十一

喚王子文不惹禪和笑不名王照了他人怕人  
嫌照了要人嫌人人有面樹有皮努力方便勤  
粧嚴粧嚴也由賢不然也由賢鼻孔莫遣他人  
穿又荅國寶云幻人誰拙復誰能游戲何妨傀  
儡侷九事不堪君莫怪儂家面目得人憎。

董文甫 字國華自號無事道人與王大用良臣皆潞人同舉承安進士

董國華題審是堂云按劍人人駭夜光蜀鷄合道  
勝鸞凰飛蛾可是無分別直道油燈是太陽

正大中董國華以公事至杞縣自知歿期作書與家人及同官又作詩貽杞令佐詩畢擲筆於地以扇障面而逝其詩曰無情真主沒錢僧送上城南無事人檢盡傳燈無盡錄更無公案這番新 生有地。歿有處。萬牛不能移一步。一輪明月印天心。此是渠儂住處住。白髮三千丈。紅塵六十年。只今無見在。虛費草鞋錢。今古一輪月。分明印碧霄。門門蟾影白。處處桂香飄。不起眼中暈。何勞指上標。真空渾照破。歸去杖頭挑。

堯山堂外紀卷六十六

十二

王大用作詩以敏捷稱入翰林與李欽叔善從軍南征二人酬唱甚多大用有詩曰薔花冉冉密脾香禾穗纍纍鵲眼黃一縷晚烟吹不去爲誰着意護秋霜。欽叔愛之

王大用九月七日詩曰紫霜零落帶孤禽。平楚蒼蒼秋意深。月過初三半梳玉。菊迎重九滿籬金。

天憐病骨商量暖。雲促歸程會計陰。風鴈飛來更瀟灑。一枝蘆雪印波心。

麻九疇

字知幾。莫州人。三歲識字。七歲能草書。作大字有及數尺者。

麻知幾嘗爲郾城張伯玉賦透光鏡。李欽叔傳至京師。趙禮部大加賞異。貼壁間坐卧讀之。其辭曰：太陰淪魄。元不耀。太陽分光。成二曜。嗚呼怪銅盜此幻。透影在壁與背肖。奩開燿燿光走庭。劃如剗犀乍脫鞞。泓澄秋落百丈潭。疑有龍向

堯山堂外紀卷六十六

十三

天門跳。秦娃漢婉化鴛鴦。寵雨恩雲埋鳳詔。當年椒塗鑑桃李。身後泉臺映蓬藿。枕簟無情草木香。笙歌不暖梟狐嘯。觸醜一醜不再妍。不知持此將安照。萬斛珠璣委傭人。喚得偷兒成鬼剽。借問金椎一控時。何如海上青蠅吊。壽如金石佳且好。此銘此篆兩奇峭。今誰子後曩誰先。贏得紐樞經蟻竅。千古繁華一夢醒。恍然入手

稱神妙。丹砂色紫翠羽青。萬金難買人年少。君

侯新自洛陽來。玉臺人物今温嶠。相看大笑古  
人癡。收鏡入奩還自笑。

麻知幾冬夜。彈琴有懷山中人。因賦長篇曰。門前  
雪垂垂。室中理朱絲。手按十三徽。心飛天一涯。  
故人渺何許。萬里驚鴻飛。試憑朱絲語。一聲聲  
亦悲。一彈雪欲落。再彈雪正作。只在此山中。故  
人今憂樂。我欲彈文王岐山雲。渺茫我欲鼓。曾  
子無田可耘耔。道遠望不及。千山復萬水。思君

堯山堂外紀卷六十六

十四

復思君。正恐須髯皤。后夔若不來。奈此宮商何。  
春風早晚起。百鳥喧庭柯。時携一尊酒。爲君奏  
雲和。

明昌承安間以神童稱者五人。太原常添壽四歲  
作詩云。我有一卷經。不用筆寫成。展開無一字。  
晝夜放光明。合河劉文榮。滋七歲有詩云。鶯花  
新物態。日月老天公。益都劉伯祥。微七歲道陵  
召入宮賦鳳凰來儀二首。稱旨。又應制賦春柳。

云翠細圓勻綠線輕着行排立弄新晴更看三

月春風裏散作飛花滿鳳城張世傑漢臣五六

歲亦召入賦元妃素羅扇畫梅云前村消不得

移向月中栽其後常隱居不出餘三人者皆無

可稱道獨知幾能自樹立一時名重天下麻知幾七

歲時章宗召見問汝入宮殿中亦懼怯否

對曰君臣父子也子寧懼父耶上大奇之

王子可本軍校子年三十許大病後忽發狂

事每遇文士則稱大成將軍于佛前則諦摩龍什于道則騎天玄後于貴游則威錦

堯山堂外紀卷六十六

十五

堂主人

南渡後王南雲居上蔡遂平鄆城之間在鄆城為

最久麻知幾張伯玉與之游最狎說其所作詩

以百分為率可曉者才二三耳射虎首句云風

色偃貂裘即閣筆自戲云此虎來矣樂府云

尖絨舌淡紅甜又自戲云欲下犁舌獄耶張伯玉名

鼓臨穎人嘗自言丈夫子娶非尚主官不至宰

容日滿門窮畫

竟夜卒以樂成

張伯王家畫慎宮人徐行以手整釵一鶴後隨謂

之馴鶴圖伯玉請王南雲賦詩李欽叔常苦其

不用韵限以釵來苔三字南雲即援筆曰寢處

粧釵未捲釵孤雲花帶月邊來六宮簾幕金鸞

冷露濕晨烟啄翠苔或傳南雲仙去事不可知其生查子云夜色明河靜

好風來千里水殿謫仙人皓齒清歌起前聲

金箏中後聲銀河底一夜嶺頭雲遶遍樓前水

王特起字正之代州人泰和三年進士

堯山堂外紀卷十六十六

王正之賦華山云三峯盤地軸一水落天紳造化

無遺巧丹青總失真閑閑公屢哦此詩以為妙

有生第三子者王正之製喜遷鶯詞以賀之曰古

今三絕惟鄭固三良漢家三傑三俊才名三儒

文學更有三君清節爭似一門三秀三子三孫

奇特人總道賽蜀郡三蘇河東三薛慶愜况

正是三月風光盃好傾三百子並三賢孫齊三

少俱篤三餘事業文既三冬足用名即三元高



堯山堂外紀卷六十七

晉陵蔣仲舒編

宋金

密國公璣

字子瑜興陵之孫越王長子南渡後封胙國公正大初進封密所居

有樗軒又有如庵完顏宗室中第一流人也

密公字畫得於蘇黃之間叅禪於善西堂自題寫

真曰枯木寒灰亦自神應緣來現昨公身只因

苦愛東坡老人道前身趙德麟

明昌以還諸王法禁嚴諸公子

堯山堂外紀卷六十七

一

皆不得與外間交通故子瑜得窮日力於書越王薨後稍得出游文士輩亦時至其門家所藏法書名畫幾與中秘等南渡倉卒公寶惜因護與身存亡故他貨不得一錢者身公以此貧甚

密公得友人書詩以志喜曰聞有書來喜欲狂紫

芝眉字久難忘別離唯嘆我頭白詩句屢成君

馬黃公幹羈縲猶洛下孔明高卧尚南陽冷官

領取閑中趣遠勝區區夢蟻忙

金制國公祭山陵則佩虎符乘傳號曰嚴祭若上

清儲祥宮若太乙宮五岳觀設醮上方相監大

道場則國公代行香子瑜多預焉嘗有詩自戲  
云借來羸馬鈍於墻馬上官人病且疰無用老  
臣還有用一年三五度燒香

密公漁父詞云楊柳風前白板扉荷花雨裏綠蓑  
衣紅稻美錦鱗肥漁笛閑拈月下吹 釣得魚  
來卧看書船頭穩置酒葫蘆烟際柳雨中蒲乞  
與人間作畫圖

密公又有青玉案詞云凍雲封却馳岡路有誰訪  
堯山堂外紀卷六十七

二

溪梅去夢裏踈香風似度覺來誰見一窓涼月  
瘦影無尋處 明朝畫筆江天暮定向漁簑得

奇句試問簾前深幾許兒童笑道黃昏時候猶  
是廉纖雨西江月詞云一百八般佛事二十四  
考中書山林朝市等區區着甚由來自苦 過

寺談夢般若逢花倒箇葫蘆少時伶俐老來愚  
萬事安於所遇臨江仙詞云倦客更遭塵事冗  
故尋閑地婆娑一尊芳酒一聲歌盧郎心未老

潘令鬢先皤 醉向繁臺臺上問滿川細柳新  
荷薰風樓閣夕陽多倚欄凝思久漁笛起烟波

苑中

字極之  
大興人

貞祐初术虎高琪當國專以威刑肅物士大夫被  
捃撫者笞辱與徒隸等醫家以酒下地龍散投  
以蠟丸服之則受杖者失痛覺此方大行於時  
苑極之有戲云嚼蠟誰知味最長一杯卯酒地  
龍香年來紙價長安貴不重新詩重藥方時人  
堯山堂外紀卷六十七

傳以爲笑

李獻能

字欽叔貞祐三年以省元擢廷試第  
一從兄弟欽止欽若欽用皆中朝名

勝李故將種而同時  
四進士照映時

平州王飛伯鬱以布爲囊采當世名卿詩投其中

李欽叔題云穎露毛錐抵自賢智如樗腹但求

全迂踈差似淵才富羞澁猶無杜老錢收拾珠

璣三萬斛貯儲風月一千篇嘔心大勝奚奴錦

要與風人被管絃

元光祿李欽叔與元裕之在益津幸敬之愿自女  
几來爲留數日其行也欽叔爲設饌備極豐腴  
敬之效筋嘆曰平生飽食有數每見吾二弟必  
得美食明日道路中又當與老飢相抗去矣會  
有一日辛老子僵卧柳泉韓城之間以天地爲  
棺槨日月爲含穉狐狸亦可螻蟻亦可二人爲  
之惻然嘗共游河山亭敬之賦臨江仙留別二  
人云誰識虎頭峯下客少年有意功名清朝無  
堯山堂外紀卷五十七

四

路到公卿蕭蕭華屋白髮老諸生。邂逅對床  
逢二妙。揮毫落紙堪驚。他年聯袂上蓬瀛。春風  
蓮燭莫忘此時情。

趙元

字宜之號愚軒自稱十洲種玉大誌經  
童出身以年及調鞏西簿未幾失明既

病廢無所營爲萬慮一歸於詩故詩益工  
與陵川秦簡夫善簡夫名畧自號西溪老  
人

趙宜之爲鞏西簿泰和丁卯道出蒲東普救寺僧  
舍所謂西廂者有唐麗人崔氏女遺照在焉因

命畫師陳居中繪模真像仍拾四十言題云並  
燕鶯爲字聯徽氏姓崔非烟宜采畫秀玉勝江  
梅薄命千年恨芳心一寸灰西廂舊紅樹曾與  
月徘徊

貞祐之難愚軒賦鄰婦哭曰鄰婦哭哭聲苦一家  
十口今存五我親問之亡者誰兒郎被殺夫遭  
虜鄰婦哭哭聲哀兒郎未埋夫未迴燒殘破  
屋不暇葺田疇失鋤多草萊鄰婦哭哭不停

堯山堂外紀卷六十七

五

應當門戶無餘丁追昏夜至星火急并州運米  
雲中行

秦簡夫贈趙宜之云年時見君行路難喜于長安  
新得官日來見君鄰婦哭驚似藍田尋得玉愛  
官愛玉樂有涯愛君之詩無盡期古人骨冷不  
復作至張騷雅非君誰

秦簡夫在上黨公府賦穀靡靡云穀靡靡青割將  
來強半糶急忙春米送官倉只恐秋風馬塵起

官倉遠在蕎麥山。南梯直上青雲間。梯危一上八九里。之字百折縈迴環。憑誰說向監倉使。斛面莫教高一指。請君公路看擔夫。汗顆多于所擔米。

李汾

字長源平生以詩爲專門之學其所得爲多

元光末李長源用薦書從事史館長源素高亢時館中諸人率多新進史家亢例未能盡知長源正襟危坐讀太史公左丘明一篇或數百言音

堯山堂外紀卷六十七

六

吐洪暢旁若無人既畢顧四坐漫爲一語云者諸人積不平乃以嫚罵官長訟於有司踰年竟罷去坊州雷伯威字作詩送之頗譏翰林諸人

不能少忍至與一書生相角逐使狼狽而去有郎君未足留商隱官長從教罵廣文之句又云明日春風一杯酒與君同醉信陵墳人甚稱之

呂大鵬

字鵬舉

興定初有王世安者獻反汗胎楚州之策宣宗遂

有南侵之謀。密人呂鵬舉素以氣岸自許。作詩  
撼主兵者云。縫掖無由挂鐵衣。劍花生澁馬空  
肥。燈前草就平南策。一夜江神泣涕歸。

王渥

字仲澤。興定二年進士。以字行。

王仲澤登第後。調管司候。不赴壽州防禦使完顏  
邦獻商州防禦使完顏國噐武勝節度完顏庭  
玉愛其才。連辟三府。經歷官在軍中。九十年嘗  
同元裕之從國噐獵。賦水龍吟曰。短衣匹馬清

堯山堂外紀卷六十七

七

秋慣曾射虎。南山下。西風白水。石鯨鱗甲。山川  
圖畫。千古神州。一時勝事。賓僚儒雅。快長堤萬  
弩。平岡千騎。波濤卷魚龍夜。落日孤城鼓角。  
笑歸來。長圍初罷。風雲慘澹。貔貅得意。旌旗閑  
毘。萬里天河更須一洗。中原兵馬。看鞞纛。嗚咽  
咸陽道左。拜西還駕。

正大七年。金與宋議和。擇可爲行人者。仲澤以才  
選。九再至揚州。制司驛亭有題詩。譏其和事不

成者云來往二年無一事青山也解笑行人仲  
澤因為解嘲云二年奔走道途間知被青山笑  
往還只向江南南岸老行人應更笑青山宋人  
愛其才有中州豪士之目

史才

字才長弟學字學優並有聲太學時稱延安二史

史才長陪陳彥文謁筠泉榮上人詩云強隨禪客  
到西禪竹栢團青蔭石泉一首小詩吟不就閑  
情元在落花邊

堯山堂外紀卷六十七

八

史學優正大中省試第一嘗客京師有所眷久而  
不歸其妻李作詩寄之云百年風樹底誰淚到  
君前學優得詩卽日命駕

元好問

字裕之號遺山元東巖德明子也始生七月出繼叔氏與定五年舉進士

金亡不仕兄好古字敏之

明昌承安間元東巖有聲塲屋累舉不第放浪山  
水間春嘗一日不飲酒賦詩桃源行曰山中三

月山桃開紅霞爛熳無邊涯山家藏春藏不得

落花流水人間來。憶昔携家竄巖谷。秦人半向  
長城哭。回頭塵土失咸陽。繒弋徒勞羨鴻鵠。冬  
裘夏葛存大朴。小國寡民皆樂俗。晝永垣籬鷄  
犬閑。春晴門巷桑榆綠。漁郎偶到本無心。仙境  
何緣得重尋。今日武陵圖上看。唯見雲林深復  
深。

元東巖生平愛鴈門鳳凰山。竟不一到。其詩曰。鳳  
凰聞說似天壇。北去南來馬上看。想得松聲滿

堯山堂外紀卷六十七

九

巖谷。秋風無際海波寒。

元敏之性識穎悟。讀書能強記。務爲無所不闕。年  
二十就科舉。時東巖公已歿。其母望敏之立門  
戶甚切。及再試不中。意殊不自得。又娶婦不諧。  
日致惡語。遂以狷介得疾。嘗作望月詩云。佳辰  
無物慰相思。先賞空吟昨夜詩。莫怪更深仍坐  
待。密雲或有暫開時。人或言詩境不開。廣非佳  
語也。敏之嘆曰。吾得年不永。境趣能開。廣否未

幾没于壯兵屠城之禍

元遺山七歲能詩王擬擗稱為神童稍長從陵川  
郝晉卿天挺學六年而業成下太行渡大河為  
箕山琴臺等詩閑閑趙公見之以為少陵以來  
無此作也以書招之於是名震京師目為元才  
子箕山詩有云幽林轉陰崖鳥道人跡絕許君  
樓隱地唯有太古雪人間黃屋貴物外祗自潔  
尚厭一瓢喧重負寧所屑琴臺詩有云荒城草  
堯山堂外紀卷六十七

十

木合破屋風雨侵千年一琴臺騰焉涕盈襟遺  
愛食縣社公寧不堪任此臺即甘棠恐使無餘  
陰又云千山為公臺萬籟為公琴夔曠不並世

月露為知音

興定初裕之始以詩文見閑閑公  
公為延譽諸公間又五年乃得

刊第出公之門公力為挽之苟有不平者謂公  
與楊禮部之美雷御史希顏李內翰欽叔為元  
氏黨人正大甲申諸公貢裕之詞科公為監試  
官以例不赴院宿一日坐禮曹欽叔從外至誦  
裕之秦王破竇建德降王世充露布公頗為聳  
動顧座客陳司諫正叔曰人言我黨元子誠黨

之

泰和乙丑裕之赴試并州道逢捕鴈者捕得二鴈  
一歿一脫網去其脫網者空中盤旋哀鳴良久  
亦投地歿裕之遂以金贖得二鴈瘞汾水傍壘  
石爲識號曰鴈丘因賦摸魚兒詞云問世間情  
是何物直教生歿相許。天南地北雙飛客。老翅  
幾回寒暑。歡樂趣。離別苦。就中更有癡兒女。君  
應有語。渺萬里層雲。千山暮雪。隻影向誰去。

堯山堂外紀卷六十七  
十一  
橫汾路。寂寞當年簫鼓。荒烟依舊舊平楚。招魂楚

些何嗟及。山鬼暗啼風雨。天也妬。未信與鶯兒。  
燕子俱黃土。千秋萬古爲留待。騷人狂歌痛飲。  
來訪鴈丘處。同行蒲溪楊正卿果和云。悵年年  
鴈飛汾水。秋風依舊蘭渚。網羅驚破雙棲夢。孤  
影亂翻波素。還醉與。算古往今來。只有相思苦。  
朝朝暮暮。想塞北風沙。江南烟月。爭忍自來去。  
埋恨處。依約并門舊路。一丘寂寞寒雨。世間

多少風流事。天也有心相妬。休說與。還却怕有

情多被無情誤一盃會舉待細讀悲歌滿傾清

淚為爾醉黃土。樂城李仁卿治和云。鴈雙雙正

分汾水。回頭生歎殊路。天長地久。相思債。何似

眼前俱去。摧勁羽。倘萬一幽冥。却有重逢處。詩

翁感遇。把江北江南風。嘹月唳。并付一丘土。

仍為汝。小草幽蘭麗句。聲聲字字酸楚。拍江秋

影。今何在。草木欲迷隄樹。霜魂苦筭。猶勝王嬙。

青塚真娘墓。憑誰說與。對烏道長空。龍艘古渡。

堯山堂外紀卷六十七

十二

馬耳淚如雨

大名民家有男女以私情不遂赴水歿後三日二尸相携出水濱是

歲此陂荷花無不並蒂者李仁卿賦摸魚兒紀其事云為多情和天也老不應情遠如許請君

試聽雙渠怨方見此情真處誰點注香激澗銀塘對抹胭脂露藕絲幾縷絆玉膏春心金沙曉

淚漠漠瑞紅吐連理樹一樣驪山懷古古今朝暮雲雨六郎天婦三生夢斷幽恨從前沮須

會取共鴛鴦翡翠照影長相聚風不住帳寂寞

詞並膾炙人口

正大四年十月有狂僧李菩薩者就都人楊廣道

家宿一日大寒楊與之酒李若媿無以報主人

者晨起持酒盞出聞其巽酒聲入曰增明亭前  
花開矣已而牡丹開兩花來觀者車馬間咽酒  
尊爲之一空元遺山賦滿庭芳詞記之云天上  
殷韓解羈官府爛遊舞榭歌樓開花釀酒來着  
帝王州常見牡丹開後獨占斷穀雨風流仙家  
好霜天槁葉穠艷破春柔狂僧誰借手一盃  
喚起綠怨紅愁天香國艷梅菊背人羞盡獨紗  
籠護日容光動玉輦瓊舟都人士女年年十月

堯山堂外紀卷六十七

十三

常記遇仙樓

天興初元裕之從事史院時東平賈左丞益謙致  
仕居鄭州裕之就訪衛紹王逸事留二十許日  
賈問及時事裕之輒一二言之移坐接膝相得  
甚歡裕之獻詩云黃閣歸來履舄輕天將五福  
昇康寧四朝人物推耆舊萬古清風在典刑鄭  
圃亦能知有道漢廷久欲訪遺經帝城百里瞻  
依近長傍砥南候極星賈荅云見說才名自妙

年多慙政府妨賢物華天寶貝無今古鳳閣鸞臺  
孰後先鄭圃道尊何敢望漢廷書在子當傳莫  
言老眼昏花滿及見風鵬上九天

壬辰北渡順天毛正卿楊德秀祈仙山寺中蘇晉  
降筆寫詩數十首一詩有百偽無一真中有義  
黃醇之句餘詩除酒裏神仙我五言外多不成  
語二人初不知晉爲何代人詩爲何人作以語  
元遺山遺山曰余二十六七時有詩曰西郊一

堯山堂外紀卷六十一

十四

畝宅閉門秋草深床頭有新釀意愜成孤斟舉  
杯謝明月蓬華肯相臨願將萬古色照我萬古  
心又去古日已遠百偽無一真獨餘酒鄉地中  
有義黃醇聖教難爲功乃見酒力神誰能釀滄  
海盡醉區中民今晉所批乃有此十字晉豈余  
前身耶將近時鬼物之不昧者記余詩託名於  
晉以自神也晉旣以余詩爲渠所作余亦就酒  
裏神仙我五言取償於晉因作樂府曰繡佛長

齋半生枉伴蒲團過酒壚橫卧一蹴虛空破  
頰笑張顛自謂無人和還知麼醉鄉天大少箇  
神仙我

元遺山送李叅軍赴塞上長篇曰五日過居庸十  
日度桑乾受降城北幾千里出塞入塞沙漫漫  
古來丈夫淚不洒離別間今日送君行涕泗流  
欲潛生男莫作班定遠萬里馳書望玉關生女  
莫作王明妃一去紫臺空珮環我知驥子隨地

堯山堂外紀卷六十七

十五

走四方我知鴻鵠意氣凌雲端草間只鷄亦自  
樂扶搖萬里何能搏一衣敝緼袍一飯苜蓿盤  
歲時壽翁媪團樂有餘歡縱令一朝便得八州  
督曾如庭下彩衣起舞春爛斑去年洛陽陌今  
年指天山地遠馬肩破霜重貂裘單胡風浩浩  
來客子慙在顏野狐嶺上一回首未必君心如  
石頑君不見衡山鳥乳哺不得頰吏閑衆雛一  
分散慈烏四顧聲酸塞鴈來時八九月白頭阿

母望君還

全篇叙塞垣之景客旅之情可謂詳悉親涉北境自不能堪

元遺山有滿江紅秋興詞曰天上飛鳥阿誰遣東  
生西沒明鏡裏朝爲青髮暮爲華髮弱水蓬萊  
三萬里夢魂不到金銀闕更幾人能有謝家山  
飛仙骨山鳥哢林花發玉杯冷秋雲滑彭殤  
共一醉不爭毫末鞭石何年滄海過三山只是  
尊中物暫放教老子據胡床邀明月

元遺山有妹爲女冠文而艷張平章當揆欲娶之

堯山堂外紀卷六十七

十六

使人囑遺山遺山辭以可否在妹張喜自往覘  
其所向至則方自手補天花板輟而迎之張詢  
近日所作應聲荅曰補天手段暫施張不許纖  
塵落畫堂寄語新來雙燕子移巢別處覓雕梁  
張悚然而出

北渡後未菴上人有七夕感興詩云輕河如練月  
如舟花滿人間乞巧樓野老家風依舊拙蒲圃  
又度一年秋元裕之爲之擊節稱嘆恨揚趙諸

公不及見之

元遺山嘗有錦機集指授學者晚年力以國史爲  
已任乃構野史亭於家凡金源君臣言行記錄  
至百餘萬言書未就而卒高唐閣靜軒復挽之  
曰蕭寺秋風捲玉荷月明人影共婆娑誰知別  
後驪駒曲便是先生墮露歌野史夜寒蛩蠹簡  
錦機春暖鳳停梭祇應前日西州路常使羊曇  
忍淚過

先山堂外紀卷之六十七

十七

堯山堂外紀卷六十七終

堯山堂外紀卷六十七終

堯山堂外紀卷六十七終



